



Herritarren kezka nagusiei erantzun nahiko lioke gobernu taldeak eta honela ongizatea, berdintasuna, enplegua eta ekonomia bezalako arloetan eman dira igoera aipagarrienak. Euskara sustatzea helburu duen kopurua ere igo da Aittu elkarte bultzatzeko

Herriaren hobetzeko aurre ikusitako inbertsioak Oriamendi kalearen konponketa, Nafarroa etorbidea eta Oriamendiren arteko irisgarritasuna hobetzeko igogailua, erakusketa areto berriaren erosketa, kiroldegiko kantzaren zorua berritzea edo Aranealde elkartearen egoitza berria izango dira. Zuhurtasunez jokatzuz, gastu mugara egokitutako aurrekontua aurkeztu du udala egoera ekonomiko onean mantentzeko

Udal gobernuaren 2020ko aurrekontu proposamena, legegintzaldi honetarako bost helburu estrategiko nagusietan oinarritzen diren aurrekontuak izango dira. Gobernu onaren kudeaketa eredua, jarduera ekonomikoa eta tokiko enplegua, herritarren ongizatea eta bizi kalitatea bermatzea, herri nortasuna eta jasangarritasunaren baitan ingurune zaindua duen udalerri atsegin, eroso eta irisgarri bat

eraikitzea.

Jarduera ekonomikoa eta enplegua

Herritarren etorkizuna hobetuko duten proiektuei heldu nahi die udal gobernua. Pertsonen ongizatea eta bizi kalitatea bermatzea helburu duena eta enpleguaren sustapena eta herri eroso eta atseginago bat eraikitzen jarraitzea lehenesten duena. Tokiko **enplegua** eta **jarduera ekonomikoaren** sustapenarekin lotutako egitasmoek jarraipena izango dute. Enplegu planari lotuta, formazio espezifiko bultzatzeko beasaindar langabetuentzako Goierri Eskolan ikastaroak sustatuz jarraituko du Udalak lan duina eta egonkorra bermatzeko.

Merkataritzan, jarduera ekonomikoa suspertzeko ekimen berriei dagokionez, lokal hutsak betetzeko helburuarekin alokairurako diru laguntzak bideratuko dira; eremu degradatuak biziberritzeko, lanbide berriak erakartzeko edota belaunaldien aldaketa gertatzean laguntza izateko.

Ongizatea

Herritarren ongizatea udal gobernuarentzako ildo estrategiko garrantzitsua eta lehentasunezkoa izaten jarraitzen du. Gizarte ongizatean gastua %5.9 igotzea aurre ikusi da. Pertsona helduen konpainia zerbitzurako partida bideratuko da, mendekotasunari aurre egiteko tailerretarako. Ahulezia egoeran dauden herritarrei erantzuna emango dien baliabideak handituko dira, etxez-etxeko laguntza zerbitzurako aurrekontua %10 igoko da, honela onuradun gehiagok zerbitzua jaso dezatean. Halaber, babespeko bosgarren etxebizitzarako ekipamendurako inbertsioa handituko da. Zahartze aktibo atseginerako ekimenek pisu handia izaten jarraituko dute, honela helduentzako dantza saioetarako baliabideak bideratu dira. Udal gobernua adineko beasaindarren ongizatearekin duen konpromisoari lotuta 80 urtetik gorako herritarrei su detektagailuak jartzearekin, euren beharren diagnosia egiteko balioko du.

Hirigintza eta hiri-mantenua

Herriko gune ezberdinetan eta auzoetan hobekuntzak egiten jarraituko da, herritarren beharrei egokitutako Beasain atseginago, erosoago, irisgarriago eta finean bizigarriago eraikitzen jarraitzeko. Herriko gune ezberdinak mantentzea geroz garrantzi handiagoa du gobernu taldearentzat eta azken lau urteetan ikusi den bezala, dagoena hobetu eta konpontzen hartuko ditu lanak, lorategi, espaloi, asfaltaketa eta abar luze bat. Esku-hartze urbanistikoei dagokionez honako proiektuak nabarmendu daitezke:

. Dolarea parkea birgaitzeko proiektua eta Igartza Oleta kalean

norabide bikoitza jartzeko lanak.

. Nafarroa etorbidea eta Oriamendi kalearen arteko loturan irisgarritasuna bermatzeko igogailua.

. Espaloietan egingo diren beheraguneak edo hozkadurak irisgarritasuna hobetzeko.

. San Inazio kaleko eraberritzea eta Oriamendi kalea konpontzeko azterlanak.

. Erakusketa areto berri bat herriaren erdigunean.

. Bonberia eraikinaren proiektuak aktibatuta jarraituko du dantza tradizionalari lotuta.

. Kiroldegiko saskibaloi kantzaren zorua berritzea eta taberna berria kokatzeko proiektua.

. Porteria eremuko berurbanizazioak bere bidea egiten jarraituko du. Uholdegarritasun arriskuari amaiera emango dioten lanen hurrengo urratsak emango dira.

. Bernedoko aparkalekuan argiteria hobetuko da eta udalerrian toki adierazgarrienen argiztapenaren proiektuarekin jarraituko da.

. Landa ingurunean gastu aurre ikuspena, iazkoarekiko %11,4 inguru igo da, bereziki, baserri bideen mantentzerako eta auzoetako garraiorako gastu aurreikuspena handitu izanaren ondorioz.

. Elkartea eta eragileekin egiten den Mugikortasunaren mahaia sustatzeko ere inbertsioa egingo da.

. Ingurumenari lotuta, Oria ibaia balioan jartzeko helburuz ertzetik igarotzen den natur bidea edo ibilbide berdea egiteko azterlana egingo da.

. Haurren parte hartzea sustatzeko Haurren Hiria proiektua gauzatuko da herriko haurren iritzia biltzeko.

Hizkuntza eta berdintasuna zehar lerro garrantzitsuak

Sail guztietan zehar lerro gisa hedatzen diren arloak dira gobernu taldearentzat hizkuntza politika eta berdintasuna. Hizkuntza politikaren alorrean %9 igo da gastua Aittu Beasaingo euskara taldearen aldeko kopuruaren gehikuntzarekin. Abian diren proiektuak indartze aldera (hizkuntza errefortzurako zerbitzua euskararen

erabilera indartzeko, *Euskara Oinarritik Kirolean* ezagutza eta erabilera sustatzeko ...) berrikuntza gisa udaleku irekietarako begirale titulua eskuratzeko ikastaroa antolatuko du gobernu taldeak.

Gizarte parekideagoa eraikitzeko aurrera pausoak etengabe emanaz jarraituko du udal gobernuak. Berdintasun arloan, gastu aurre ikuspena %4,54 igo da. Aipatzekoa, Herrilab proiektuarekin hurrengo fasean ekintza plana abian jarriko dela Foru Aldundiarekin elkarlanean Beasain kontziliazio erantzunkidearen eredu izateko Gipuzkoan. Aurreko legegintzaldian gobernu taldeak egin zuen moduan, pertsonalari dagokionez teknikari baten kontratazioa aurre ikusten da sailaren plangintza gauzatzeko.

Nortasuna eta osasuna aisian

Kulturan, Igartza Musika Beka, Igartza Musika Programa zikloak jarraipena izango dute eta dantzan.eus elkarrearekin elkarlanean jarraituko da. %5,14 igoko da gastua aurre ikuspenen arabera. Kultur jardueretarako kopurua igoko da eta dantza tradizionalaren gaineko goi mailako ikuskizuna antolatzeko. Igartzan EHUko Uda ikastaroek jarraipena izango dute eta liburuak kalean irakurtzeko etxolak ere jarriko dira. Bonberia eraikinari buruzko proiektuak aktibatuta jarraituko du dantza eta kulturaren sustapenari zuzendutako espazio bilakatzeko.

Kirolean Euskadi Fundazioarekin lankidetzat eta babesat mantenduko da txirrindularitza udalerrian sustatu eta bultzatzeko. Modu berean, entrenatzaileen teknifikazio eta euskalduntzerako ikastaroei ematen zaien babesarekin jarraituko da. Kiroldegian egingo diren inbertsio berriek ere jarraipena izango dute etengabeko hobekuntzan erabiltzaile onuradunek kalitatezko zerbitzua jasotzen jarrai dezaten.

Finantza egoera orekatua

Guztira, 2020 ekitaldirako aurrekontua 16.668.611,24 eurokoa izango da, iazkoaren antzerakoa, zehazki %0,13 txikiagoa. Udal gobernuak, zuhertasunez jokatu, gastu mugara egokituta egindako aurrekontua aurkeztuko du, Udalak aurreikusten dituen diru sarreraren azpitik mugatu dituela gastuak. Horrela 3.195.000 euroko inbertsioak jasotzen dituen aurrekontua osatu ahal izan da.

Egoera ekonomiko orekatua mantenduko du zorpetze maila 2020 ekitaldi hasieran %2,69koa izatea aurreikusten da, Gipuzkoan batz bestekoa %4,2 denean. Garrantzitsua da adieraztea gobernu taldearen kudeaketa onari esker, Udalak une honetan duen diruzaintzako gerakina 9.812.439,87 euroko dela.

Funtsean, herritarrei begira, udalerri atsegin eta erosoagoa eraikiz, pertsonak eta hauen bizi kalitatea bermatzen jarraitzeko helburua duen aurrekontu proposamena da gobernu taldeak aurkeztutakoa. Azaroaren 28ko Udalbatza osoaren bilkuran aurkeztuko da 2020rako aurrekontu proposamena onartua izan dadin.

```
jQuery("#share876") . jsSocials({shareIn: "popup",shares: [{ share:
"twitter", label: "Tweet", via: "", hashtags: "", text: "Gobernu
taldeak herritarren ongizatea oinarri duen aurrekontu proposamena egin
du", url: "https://www.beasain.eus/udal-gobernua-albisteak/2664-gobern
u-taldeak-herritarren-ongizatea-oinarri-duen-aurrekontu-proposamena-
egin-du"},{ share: "facebook", label: "Partekatu", url: "https://www.b
easain.eus/udal-gobernua-albisteak/2664-gobernu-taldeak-herritarren-
ongizatea-oinarri-duen-aurrekontu-proposamena-egin-du"},{ share:
"linkedin", label: "Partekatu", url: "https://www.beasain.eus/udal-gob
ernua-albisteak/2664-gobernu-taldeak-herritarren-ongizatea-oinarri-
duen-aurrekontu-proposamena-egin-du"},{ share: "whatsapp", label:
"WhatsApp", shareIn: "self", text: "Gobernu taldeak herritarren
ongizatea oinarri duen aurrekontu proposamena egin du", url: "https://
www.beasain.eus/udal-gobernua-albisteak/2664-gobernu-taldeak-
herritarren-ongizatea-oinarri-duen-aurrekontu-proposamena-egin-du"},{
share: "email", label: "E-mail", shareIn: "self", text: "Gobernu
taldeak herritarren ongizatea oinarri duen aurrekontu proposamena egin
du", url: "https://www.beasain.eus/udal-gobernua-albisteak/2664-gobern
u-taldeak-herritarren-ongizatea-oinarri-duen-aurrekontu-proposamena-
egin-du"},{ share: "telegram", label: "Telegram", shareIn: "self",
text: "Gobernu taldeak herritarren ongizatea oinarri duen aurrekontu
proposamena egin du", url: "https://www.beasain.eus/udal-gobernua-albi
steak/2664-gobernu-taldeak-herritarren-ongizatea-oinarri-duen-
aurrekontu-proposamena-egin-du"}, ]});
```